



Inatsisartunut ilaasortaq
Jens Napätôk'

§ 37 naapertorlugu apeqqueteqaat nr. 228/2025-mut akissuteqaat

Allakkap nr.: 04-03-2026
Suliap nr. 2025 - 26942

Apeqqueteqaammut nassiunneqartumut akissuteqaat matumuuna nassiunneqarpoq.

Matumani akissuteqarnissamut Akileraartarnermut Aqutsisoqarfimmit paasissutissanik pissarsiortoqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Pituffimmi sulisut tamarmik - suliffeqarfiit assigiinngitsut iluani sulisut ilanngullugit – qanoq amerlatigippat, aammalu taakkunanga soorunami Kalaallit Nunaannut akileraartussaataasut qanoq amerlatigippat?**

Akissuteqaat:

Apeqqutigineqartoq tamakkiisumik eqqortumillu akineqarsinnaassappat, taava pilersuisut suliffeqarfiutillu il.il. tamavimmik sakkutooqarfimmik kiffartuussisuusut ukiup ingerlanerani paasissutissaataat iserfigineqarsinnaasariaqarput. Naalakkersuisut allaffissornikkut ingerlatsivii taamak annertutigisunik paasissutissanik imalinnik maannakkorpiaq pigisaqanngillat.

Pituffik Space Basemi atorfeqartut aallaavittut Akileraartarnermut ingerlatsivik allaffissornikkut kommunitut akileraartarfigaat. Tamanna aamma aatsitassarsiornermi il.il. atorfeqartunut atuuppoq.

Taamaattoq atorfeqartut ilaat nunatsinni maani kommunini allani akileraartussaataasinnaangissinnaanerit oqaatigineqassaaq. Sulisut ilai Pituffimmi suliassanik isumaginissinnaapput atorfeqartitaanerminnut atatillugu suliassanut siammasinnerusunut ilaatillugu, taakkulu suliat nunatsinni sulisitsisut allat sinnerlugit sumiiffinni allani ingerlanneqarsinnaallutik. Sulisut allat sakkutooqarfimmi sivikitsuinnarmik sulisinnaasarpud aammalu tassunga atatillugu nunatsinni ilaannakortumik imaluunniit tamakkiisumik akileraartussaataasinnaasarlutik. Inuk ataaseq taamaasilluni ukiup akileraarfiusup ataatsip iluani piffissani arlaleriarluni killilimmik akileraartussaataasinnaavoq.

Kommunimi najugarisami Akileraaruseriffimmi inuit akileraartartutut nalunaarsorsimasut amerlassusaat taamaattumik sakkutooqarfimmi sulisut amerlassusaannik nalunaarsuutitut toqqammavigineqarsinnaangilaq.

Pituffimmi kiffartuussisut pingaarnersaannit; Vectrus Services A/S-imit paasissutissanik tunngaviummik pissarsiortoqarsinnaavoq. Taamaattoq akileraartartumut ataasiakkaanut agguataarlugit paasissutissat samminerussapput. Taassuma kingorna akileraartarnermi paasissutissat immikkut nipangiusimatinneqarnissaat peqqutigalugu paasissutissanik tamanut siaruarterisoqaqqusaangilaq, tak. Akileraaruserinermik ingerlatsineq pillugu Inatsisartut inatsisaanni § 9.

Siuliani taaneqartut nangaassutit peqqutigalugit Naalakkersuisut nalunaarutigisinnaavaat Pituffimmi kiffartuussisut pingaarnersaanni Vectrus Services A/S-imi, 2024-mi inuit piffissaq tamaat sulisorineqartut 208-simasut, takuuk piginneqatigiiffiup ukiumoortumik nalunaarutaa.

2. Pituffimmi sulisut Qallunaat Nunaanni imaluunniit nunani allani atorfilittut akissarsiat pillugit isumaqatigiissuteqartarneq aallaavigalugu, soorunami akileraarutit amerlanerpaartaat qitiusumik Nunatta Karsianut isertinneqartartut qanoq amerlatigisarpai?

Akissuteqaat:

Apeqquummi 1-imi taaneqartut tunngaviusumik nangaassutit apeqquutit 2-p akineqarneranut aamma atuupput, ingammik akileraartarnermut tunngasut paasissutissat immikkorlunnaq nipangiusimaneqartussaataasut innersuussutigineqarput. Taamaattumik Vectrus Services A/S-imut toqqaannartumik apeqquuteqaammi 1-imut tunngasut paasissutissat nalunaarutigineqarsinnaanngillat. Taamaattoq Pituffimmut tunngatillugu akileraartarnikkut isertitat immikkut nuna tamakkerlugu akileraarutaasumut attuumassuteqartut toqqammavigalugit oqaaseqarfigineqarsinnaapput.

Akileraaruserinermik ingerlatsineq pillugu Inatsisartut inatsisaanni nr. 12, 2. november 2006-imeersumi kingusinnerusukkullu allannguutit naapertorlugit kommunit agguataarnerisa avataanniittunut sumiiffinnut atuuttoq nuna tamakkerlugu immikkut akileraarut atuutsinneqarpoq. Nuna tamakkerlugu immikkut akileraarummut ilaapput inuttut isertitat, piginneqatigiiffiit isertitaat taamatullu sinneqartoorutini agguagarsiat. Inuttut akileraarutit ingerlaavartumik akilersorneqassapput isertitatut A-tut imaluunniit isertitatut B-tut. Piginneqatigiiffinnut akileraarut tunngaviusumik ukiup naatsorsuiffiusup naanerata kingorna ulloq 1. november akileraarutissaasarpai.

2026-mut aningaasanut inatsimmi tassunga tunngasut kisitsisat pingaarnertit imatut isikkoqarput, takuuk konto pingaarneq 24.10.11 Nuna tamakkerlugu immikkut akileraarut:

Suliassat kisitsisissaattut naatsorsuutigisat						
Iluanaarutit (1.000 kr.)	N 2024	AI 2025	AI 2026	M 2027	M 2028	M 2029
Ingerlaavartumik akiliutit	-81.511	-90.000	-85.000	-86.000	-87.000	-88.000
Ukiut siulinnut nalinumassaanerit	-190	0	0	0	0	0
Ingerlatseqatigiiffiit akileraarutaat	-13.341	-10.000	-10.000	-10.000	-10.000	-10.000
Erniat akiliutillu	-99	0	0	0	0	0
Nalikilliliinerit	0	0	0	0	0	0
Annaasaqarnissamut immikkoortitat	0	0	0	0	0	0

3. Naalakkersuisut aqqiisinnaasuuppata kommunitsinnut toqqaannartumik akileraarutit tutsinneqartassagaluarpa, soorlu Nuummi Namminersorlutik Oqartussat suliffeqarfiinut akissarsiat tunngavigalugit pisartut assigalugit, taava Avannaata Kommuniata qanoq annertutigisumik iluanaarutigisinnaagaluarpai?

Akissuteqaat:

Aallarniutigalugu oqaatigineqassaaq Pituffik Space Basemi atorfeqartut, Kalaallit Nunaata avataani kommunimut allamut najugaqartut, kommunimut najugarisaminnut akileraaruteqartarmata. Pituffimmi sulisut sinneri tunngaviusumik kommuni akileraarfigisartakkaminni allaffissornikkut akileraaruseriffigisarpaat.

Pituffimmi sulisut kommuni akileraarfigisartagaat Avannaata Kommunanut nuutippasuk, tamatuma kingunerissavaa Nunatta Karsianut akileraarutitigut ilaatigullu nunatta sinnerani kommuninut isertitat appariassasut.

Taamatut allanngortoqarnerani Avannaata Kommuniata akileraarutininik isertitai qaffariassapput. Tamatumali kingunerisaanik kommunit akornanni nalingiissarinissamut aaq-qissuussinnermit kommunip isertitassai annertoqataanik ilaatigut appariaateqassapput. Ilanngullugu allannguut Nunatta Karsianut isertitat appariarnerannik kinguneqassaaq, taakkulu matussutissarsiniarneqartariaqassapput. Tamanna nalinginnaasumik ukiumoor-tumik kommunimut tapiissutit pillugit isumaqatigiinniarnernut ilanngullugu isumaqati-giinniutigineqartariaqassaaq.

Taamatut allannguuteqartoqarnerani ilanngullugu Avannaata Kommunanit isummerfi-gineqartariaqassaaq Pituffimmi sulisut akileraartarnikkut sullinneqarnerisigullu qanoq pitsaatisumik kiffartuunneqassanersut. Sakkutooqarfimmi sulisut ullumikkut ilanngaa-tit nalinginnaasut ilanngullugit 36 procentimik akileraaruteqarput. Sakkutooqarfimmi sulisut taamatut appasinnerusumik akileraartitaasarnarat peqquteqarpoq kommunini pi-sortat sullissineranni kiffartuussinnermi ajunngitsorsiassat killeqarnerummata. Tassani as-sersuutigalugu taaneqarsinnaavoq meeqqanut, ilinniartitaanikkut, kulturikkut sunngif-fimmilu sullissineq.

Apeqqutip 2-p akineqarnerani kisitsisit saqqummersinneqartut sinneri innersuussutigi-neqarput.

Inussiarnersumik inuulluaqqusillunga



Múte B. Egede